

KANTON SARAJEVO STRUČNA SLUŽBA ZA ZAJEDNIČKE POSLOVE

ulica Reisa Džemaludina Čauševića br. 1 71 000 Sarajevo

ID broj: 4200667410006

kogu zastupa načelnik

, (u daljem tekstu Kupac)

i

PRINTEX d.o.o.

ulica Hasana Sušića br. 9 i 11, 71 000 Sarajevo

ID 4200597450005

koga zastupa direktor

(u daljem tekstu: Prodavac)

zaključili su

Ugovor o kupoprodaji računara i računarske opreme – mrežnog printera

Član 1.

(Predmet ugovora)

Predmet Ugovora je nabavka i isporuka računara i računarske opreme prema uslovima ponude broj: 36/18 od 20.04.2018. godine, zaprimljene pod brojem 17-14-19920 od 20.04.2018. godine za LOT 3 za sljedeće stavke:

- **Mrežni printer Lexmark M9317 – 2 komada.**

Član 2.

(Obim i isporuka)

Obim isporuka iskazan u tački 1. ovog Ugovora, obuhvata:

- isporuku opreme u pripremljenim prostorijama Kupca,
- instaliranje opreme i puštanje u rad,
- održavanje u garantnom roku.

Član 3.

(Vrijednost ugovora)

Ukupna vrijednost ugovora za isporuku i radove iznosi:

Ukupna cijena bez PDV-a **210,00 KM**

PDV 17 % **35,70 KM**

Ukupna cijena sa PDV-om **245,70 KM**

Slovima: (dvijestotinečetrestpet i 70/100 KM)

Cijena po ovom Ugovoru podrazumijeva paritet fco Sarajevo, isporučeno na sjedište Kupca (Reisa Džemaludina Čauševića 1), ocarinjeno, bez poreza na promet.

Član 4.

(Način plaćanja)

Plaćanje za isporučenu robu će se vršiti uplatom na transakcijski račun dobavljača u roku od 15 dana od dana uredne isporuke robe i dostave računa za uredno isporučenu robu.

Fakturisanje i plaćanje opreme tereti poziciju **Stručne službe Vlade Kantona Sarajevo.**

Član 5.
(Rok isporuke)

Rok za isporuku opreme iz tačke 1. ovog Ugovora je odmah po potpisivanju Ugovora, a najdalje u roku od 60 dana.

Član 6.
(Primopredaja)

Primopredaja opreme vrši se potpisom otpremnice, a ista se potpisuje nakon kvalitativnog i kvantitativnog prijema opreme, koju će izvršiti Stručna služba za zajedničke poslove Kantona Sarajevo.

Ukoliko se pregledom utvrdi da kvalitet i kvantitet ponuđene opreme ne odgovara traženom i ponudom utvrđenom kvalitetu (brend name oprema) i kvantitetu, Kupac zadržava pravo da traži otklanjanje nedostataka odnosno ako se nedostaci ne otklone u roku od 48 h da raskine ugovor na štetu prodavca.

Član 7.
(Garancije)

Za ugovorenu opremu iz tačke 1. ovog Ugovora Prodavac daje garanciju na kvalitet i funkcionalnost u trajanju od minimalno:

- **36 (tridesetšest) mjeseci od dana isporuke.**

Garancija za računarsku opremu obuhvata sve kvarove nastale uslijed grešaka u projektovanju, proizvodnji i materijalu.

Prodavac će u toku garantnog perioda održavati opremu u funkcionalnom stanju i u okviru toga izvršavat će redovno održavanje i otklanjanje kvarova, odnosno popraviti ili zamijeniti, po svojoj ocjeni komponentu ili neispravni dio opreme.

Sve neispravne komponente ili dijelovi računarske opreme ostaju vlasništvo Prodavca.

Garancija se ne priznaje u slučaju kada je do kvara na opremi došlo uslijed:

- nepravilne, nestručne upotrebe opreme,
- neadekvatnih uslova za rad opreme,
- više sile i
- drugih nepredviđenih događaja.

Kupac gubi pravo na garanciju ako u toku garantnog perioda, bez pristanka Prodavca, sam ili putem trećih lica vrši popravke na predmetu Ugovora.

Član 8.
(Obaveze Kupca i Prodavca)

Kupac i Prodavac se obavezuje da u roku od 24h od potpisa Ugovora pismeno obavijeste Prodavca i Kupca koje će lice biti zvanični predstavnik Prodavca, odnosno Kupca po ovom Ugovoru.

Prodavac se obavezuje da će po isteku garantnog roka obezbjediti Kupcu nabavku rezervnih dijelova u periodu od najmanje 36 mjeseci, kao i da će omogućiti Kupcu ukoliko on to bude tražio sklapanje Ugovora o održavanju opreme.

Član 9.
(Autorska prava)

Prodavac zadržava sva autorska prava proistekla iz njegovog industrijskog vlasništva nad cjelokupnim predmetom ovog Ugovora.

Član 10.
(Sporovi)

Sve eventualne sporove koji proisteknu iz ovog Ugovora rješavati će ugovorne strane sporazumno. Ukoliko ne bude moguće sporazumno rješavanje nastalih sporova isti će biti riješeni putem nadležnog suda u Sarajevu.

Član 11.
(Završne odredbe)


Prodavac nema pravo da zapošljava, u svrhu izvršenja ovog Ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog Ugovora o javnoj nabavci, najmanje šest mjeseci po zaključenju Ugovora.

Sve eventualne dopune i izmjene ovog Ugovora moguće je obaviti nakon provođenja zakonom utvrđenih procedura, pismeno, potpisivanjem novog Ugovora, uz saglasnost ugovornih strana.

Ovaj ugovor je sastavljen u 4 (četiri) istovjetna primjerka od kojih svaka ugovorna strana dobija po 2 (dva) primjerka.

KUPAC:

KANTON SARAJEVO
Stručna služba za zajedničke poslove
Nacelnik




Broj: 17-14-17266-20
Datum: 29.05.2018. godine

PRODAVAC:

PRINTEX d.o.o.

Direktor



Broj: 01-194/18
Datum: 05.06.2018